

Bersyukur rumah dibaik pulih

HARIAN METRO (SETEMPAT) 17/12/17 (CAHAD) M: 42

“Saya bersyukur dan hanya mampu mengucapkan terima kasih kepada **Universiti Malaysia Pahang (UMP)** yang membaiki kerosakan rumah dan membina bilik air baru untuk keselesaan kami sekeluarga.

“Pam penyedut air perigi dan sistem solar disediakan turut menjimatkan tenaga mengangkut air serta membayar bil elektrik,” kata Fatimah Abdullah, 46, ketika ditemui dalam program Ziarah Facelift@Kuala Pahang, kelmarin.

Program itu dirasmikan Penasihat

Kelab Program Mesra Dakwah (PERAMAH) Parlimen Pekan Datuk Mohd Nizar Najib di Kuala Pahang di sini.

Hadir sama Naib Canselor UMP Prof Datuk Seri Dr Daing Nasir Ibrahim.

Fatimah berkata, keluarganya tidak menyangka dipilih untuk menerima bantuan disediakan UMP dan dia seperti bermimpi apabila rumah pusaka yang sebelum ini mengalami banyak kerosakan kini berwajah baru apabila dibaiki sepenuhnya selain turut dicat.



MOHD Nizar (dua dari kiri) bersama Dr Daing Nasir (kiri) mencuba suis elektrik yang menggunakan sistem solar.